

大唐六典殿中省卷第十一

唐玄宗御撰

集賢院學士兵部尚書兼中書令修國史上柱國開國公
臣李林甫等奉敕注上

殿中省

監一人

少監二人

丞二人

主事二人

令史四人

書令史十二人



亭長八人

掌固八人

尚食局

奉御二人

直長五人

書令史二人

書史四人

食醫八人

主食十六人

主膳七百人

掌固八人

尚藥局

奉御二人

直長四人

書令史二人

書吏四人

侍御醫四人

主藥十二人

藥童三十人

司醫四人

醫佐八人

按摩師四人

呪禁師四人

合口脂掌二人

掌固四人

尚衣局

奉御二人

直長四人

書令史三人

書吏四人

主衣十六人

掌固四人

尚舍局

奉御二人

直長六人

書令史三人

書吏七人

掌固十人

幕士八千人

尚乘局

奉御四人

直長十人

書令史六人

書吏十四人

奉乘十八人

習馭五百人

掌閑五千人

進馬六人

司庫一人

司廩二人

典事五人

獸醫七十八人

掌固四人

尚輦局

奉御二人

直長四人

書令史二人

書吏四人

掌扇六十人

掌翰三十人

掌輦二人

主輦四十二人

奉輦十五人

掌固六人

殿中省監一人從三品

魏氏初置殿中監品第七晉宋因之齊有內殿中監八人外殿中監八人梁初

位不登七班者別署勳位勳位殿中外監為三品勳位內監為三品勳位陳因之然其官甚微後魏殿中監從五品下北齊門

下省屬官有殿中監四人掌駕前奉引行事東耕則進耒耜隋改爲殿內局監二人品正第六下大業三年分門下省尚食尚藥御府殿內等局分太僕寺車府驛驩等署置殿內省監正四品少監從四品丞從五品各一人掌諸供奉又有奉車都尉十二人掌進御輿馬統尚食尚藥尚舍尚衣尚乘尚輦等六局皇朝因改爲殿中省龍朔二年又改爲中御府監爲中御大監咸亨元年復舊

少監二人從四品上

隋煬帝置一人從四品皇朝加至二人龍朔咸亨隨省改復

丞二人從五品上

隋煬帝置一人從五品皇朝加至二人龍朔二年改爲中御大夫咸亨元年復故

主事二人從九品上

隋煬帝置皇朝因之

殿中監掌乘輿服御之政令總尚食尚藥尚衣尚乘尚舍尚輦

六局之官屬

舊屬官又有天藏府開元二十三年省

備其禮物而供其職事少監

爲之貳凡聽政則率其屬執繖扇以列於左右凡大祭祀則進

大圭鎮圭於壇門之外既事受而藏之凡行幸則侍奉於仗內

若遊燕田閱則驂乘以從焉

今內別置閑廐使其務多分殿中及太僕之事至於輿輦車馬則使

掌其內監知其外游燕侍奉皆不與焉

若元正冬至大朝會則跪而進爵若合和

御藥則監視而嘗之

丞掌判監事兼勾檢稽失省署鈔目

主事掌印及知受事發辰

尚食局奉御二人正五品下

周禮有膳夫內饗秦置六尚有尚食之名如滂以為主天子物曰尚

漢因之後遂省并其職於太官湯官至北齊門下省統六局尚食局有典御二人丞監各四人又有集書省統三局有中尚食局典御二人監四人品與尚食同後周有司膳上士二人中士四人凡進食必先嘗之至隋開皇初門下省統尚食局有典御二人直長四人食醫四人大業三年分屬殿內改典御為奉御員二人正五品上皇朝因之龍朔二年改為奉膳大夫咸亨元年復故

直長五人正七品上

隋開皇初置直長四人從七品下大業三年加置六人增品為正第七上皇朝因之

減置

五人

食醫八人正九品下

周禮有食醫中士二人掌和王之六食六飲六膳百羞百醬八珍之齊隋尚食局有

食醫皇朝加至八人後周置主食主膳等皇朝因之

主食十六人

後周內膳有主食十二人

尚食奉御掌供天子之常膳隨四時之禁適五味之宜

春肝夏心秋肺

冬腎四季之月脾皆時王不可食五味酸鹹甘苦辛

當進食必先嘗凡天下諸州進甘滋

珍異皆辨其名數而謹其儲供直長為之貳凡元正冬至大朝

會饗百官與光祿視其品秩分其等差而供焉其賜王公已下

及外方賓客亦如之若諸陵月享則於陵所視膳而獻之

諸陵須上

食陵別殿中省主膳三十人分番上下每季差官相監於陵所造食供進

食醫掌和齊所宜

主食掌率主膳以供其職

尚藥局奉御二人正五品下

自梁陳後魏以往皆太醫兼其職北齊門下省統尚藥局有典御二

人侍御師四人尚藥監四人總御藥之事後集書省統三局有中尚藥局典御二人丞二人中謁者僕射二人總知中官醫藥

之事隋門下省中尚藥局典御二人正五品下侍御醫四人正七品上直長四人正七品下醫師四十人大業三年分屬殿內

改為奉醫大夫咸亨元年復舊

直長四人正七品上

隋置四人正七品下煬帝加為正七品上皇朝因之

侍御醫四人從六品上

北齊尚藥局有侍御師四人皇朝因之

主藥十二人藥童三十人

漢有藥丞主藥後周有主藥六人隋有主藥四人藥童二十四人

司醫四人正八品下

隋大業中置皇朝因之

醫佐八人正九品下

隋大業中置皇朝因之

按摩師四人

隋有按摩師一百二十人皇朝減置

咒禁師四人

皇朝初置

合口脂匠二人

皇朝初置

尚藥奉御掌合和御藥及診候之事直長爲之貳凡藥有上中

下之三品

上藥爲君養命以應天中藥爲臣養性以應人下藥爲佐療病以應地遞相宜攝而爲用

凡合藥

宜用一君三臣九佐方家之大經也必辨其五味三性七情然

後爲和劑之節五味謂酸鹹甘苦辛酸屬肝鹹屬腎甘屬脾苦

屬心辛屬肺三性謂寒溫平七情謂有單行者有相須者有相

使者有相畏者有相惡者有相反者有相殺者其用又有四焉

曰湯丸膏散視其病之淺深所在而服之診脈辨寸關尺三部

以調四時沈浮滑澁之節而知病之所在在胃膈者先食而後

服藥在心腹者先服藥而後食凡合和御藥與殿中監視其分

劑藥成先嘗而進焉

合藥俱御門下中書司別長官一人并當上大將軍衛別一人與殿中監尚藥奉御

等監視藥成醫佐以上先嘗然後封印寫本方方後具注年月日監藥者徧署名俱奏餌藥之日尚藥奉御先嘗次殿中監嘗

次皇太子嘗然後進御

侍御醫掌診候調和

司醫醫佐掌分療眾疾

主藥藥童掌刮削擣篩

按摩師咒禁師所掌如太醫之職

尚衣局奉御二人從五品上

周禮有司服中士二人掌王吉凶衣服辨其名物與其用事戰國有

尚衣尚冠之職秦漢少府屬官有御府令丞掌供御服後漢有掌冠者典官婢作中衣服及補浣之事魏因之晉屬光祿勳東

晉省宋大明中改尚方曰左右御府各置令丞一人後廢帝初省御府置中署隸右尚方其後又置至齊高祖省文帝又置初

宋氏用三品勳位明帝改用二品準南臺御史掌金銀綵帛凡諸造作以供奉及妃主六宮梁陳無御府其職隸在尚方後魏

有掌服卽從六品上北齊門下省統主衣局都統子統各二人
後周有司服上士二人中士二人隋門下省有御府局監二人
大業三年分屬殿內省其後又改爲尚衣局皇朝
因之龍朔二年改爲奉冕大夫咸亨元年復舊

直長四人正七品下隋改御府爲尚衣局始置直長領主衣皇朝因之

主衣十六人隋置皇朝因之

尚衣奉御掌供天子衣服詳其制度辨其名數而供其進御直

長爲之貳凡天子冕服十有三一曰大裘冕二曰衮冕三曰鷩

冕四曰毳冕五曰絺冕六曰玄冕七曰通天冠八曰武弁九曰

弁服十曰黑介幘十一曰白紗帽十二曰平巾幘十三曰翼善

冠大裘冕無旒冕廣八寸長一尺六寸玄表纏衰以金飾玉簪下廣狹准此

導以組爲纓色如其綬裘以黑羔皮爲之玄領青襍緣朱裳白

紗中單阜領青襍襪裾革帶玉鉤膝大帶素帶朱裏紕其外上以朱下以綠細約用

組鞞蔽膝也凡鹿盧玉具劔火珠鏢首白玉雙珮玄組雙大

綬六綵玄黃赤白纁綠繩玄質長二丈四尺五寸首廣一尺雙小

綬長二尺六寸色同大綬而首半之間施三玉環朱鞞赤舄祀天神地祇則服之

衮冕垂白珠十有二旒以組為纓色如其綬鞋續充耳玉簪導

玄衣纁裳十二章八章在衣日月星辰山龍華蟲火宗彝其四章在裳藻粉朱黼黻衣纁領為昇龍皆織成

為山龍以下每章一行重以為等每行十二白紗中單黼領青

纁褱裾黻革帶大帶劔玉珮綬鞞與上同舄加金飾享廟謁廟

及廟遣上將征還飲至踐祚加元服納后若元日受朝及臨軒

冊拜王公則服之

鷩冕服七章三章在衣華蟲火宗彝四章在裳藻粉米黼黻餘同衮冕有事遠王則服

之

毳冕服五章

三章在衣宗彝藻粉米二章在裳黼黻

餘同鷩冕祭海嶽則服之

絺冕服三章

一章在衣粉米二章在裳黼黻

餘同毳冕祭社稷帝社則服之

玄冕服

衣無章裳刺黻一章

餘同絺冕蜡祭百神朝日夕月則服之

通天冠加金博山附蟬十二首施朱翠黑介幘髮纓翠綉玉若

犀簪導絳紗袍白紗中單朱領襪白裙襦

亦裙衫

絳紗蔽膝白假

帶方心曲領其革帶劔珮綬與上同白鞮黑舄若未加元服則

雙童髻空頂黑介幘雙玉導加寶飾諸祭還及冬至受朝元會

冬會則服之

武弁金附蟬平巾幘

餘同其服

講武出征四時蒐狩大射禡類宜賞

祖罰社纂嚴則服之

弁肝

弁以鹿皮爲之

有十二珙

珙以白玉珠爲之

玉導簪絳紗衣素裳革帶白